



JUDICIAL SYSTEM MONITORING PROGRAMME  
PROGRAMA MONITORIZASAUN SISTEMA JUDISIÁL

**Komunikadu Imprensa**

24/01/2013

**Kondenada eis Ministra Justiça, Lucia Lobato no condenadu António Freitas kumpri  
pena iha Prizaun**

Iha 22 Janeiro 2013, Tribunál Distritál Dili ezekuta dezisaun pena ba condenada Lucia Lobato, eis Ministra Justiça no condenadu António Freitas. Prosesu ne'e akontese depois Tribunál Supremu liuhusi Tribunál Rekursu rezeita rekursu estraordináriu iha 18 Janeiro 2013 ne'ebé parte defeza sira apresenta.

“JSMP hanoin katak embora iha pro-kontra kona-ba rezolusaun finál husi kazu ne'e relasiona ho kestaun prosesuál balun, maibe kazu ne'e sai hanesan referensia konkreta no resposta ba dúvida no persepsaun públiku nian katak justisa funsiona deit ba povu kiik sira,” dehan Luis de Oliveira Sampaio, Diretór Ezekutivu JSMP.

Antes ne'e, iha 16 Janeiro 2013 equipa advogado condenada/u rekere rekursu estraordináriu ba Tribunál Rekursu ne'ebé kaer mos funsaun nu'udar Tribunál Supremu ba Justisa. Tuir-mai, iha loron 18 Janeiro 2013, parte defeza simu akordaun husi Tribunál Supremu katak Tribunál Supremu rezeita rekursu estraordináriu refere.

Relasiona ho akordaun Tribunál Supremu Justisa ne'ebé rezeita materia rekursu estraordináriu husi equipa advogadu sira, agora dadaun equipa advogadu ba kazu ida ne'e, rekere arguisaun ba nulidade relasiona ho kompozisaun panel ba juis prosesu.

Pedidu arguisaun ne'e hato'o atu manifesta objesaun no reklamasau ba tribunál relasiona ho kompozisaun ne'ebé ho juis panel hanesan, tantu iha rekursu primeiru nomos iha rekursu estraordináriu. Kompozisaun ne'e tuir pontu-de-vista husi equipa advogadu nian katak prátika ne'e bele hamosu konfliktu interese no hamosu pergunta ba imparcialidade husi juis sira durante kaer prosesu.

Atu hetan informasaun kle'an liu tan favor kontaktu:

Luis de Oliveira Sampaio  
Diretór Ezekutivu JSMP  
[info@jsmp.minihub.org](mailto:info@jsmp.minihub.org)  
Telefone: 3323883/77295795  
[www.jsmp.minihub.org](http://www.jsmp.minihub.org)